

# Swipp pillugu siunnersuutitsialaat

Swipp akileeriaasiuvoq ajornaatsoq, pilertortoq isumannaatsorlu. Siunnersuutit pitsaasut makku malikkukkit nammineerlutit suli isumannaannerulersitseqataasinnaavutit.

## Swipp atoraangakku:

- Mobiltelefonit aningaasatut tigussaasutit isumaqarfigissavat. Taamaammat angerlarsimangikkaangavit angerlarsimagaangavillu isumannaatsumik toqqorsimasassavat. Nakkutigilluarnissaa eqqaamassavat – soorlu aningaasiviit taama paarisarit.
- Oqarasuaat taama periarfissiippat mobiltelefonit kode-mik pilersitsiffigiuk. Kode allanut nalunaarutigingisaannassavat.
- **Eqqaamassavat, Swipp aqputigalugu nuunneqartut/akiliutit utertinneqarsinnaanngimmata – aningaasanik nassiussereeraangavit nuunneqarsimasut utertissinnaanngilatit.**
- Kikkut aningaasanik nassiussiffigisimanerlugit nakkutigikkat. Swipp aqputigalugu nalunaarutigisimasatit oqarasuaatinni toqqorsimakkit, inissitsiterinerit Netbankinni/mobilbankinni imaluunniit kontop assilinerani misissornissaannut periarfissaqalernissavit tungaanut, inissitsiterinerillu ingerlaavartumik misissortassavatit.
- Oqarasuaatit imaluunniit oqarasuaatip SIM-kortiata annaasimanginneri akuttunngitsumik misissortassavat.

Eqqumaffigissavat aningaasanik pissarsiarissallugit kissaatigingisannik pissarsisinnaagavit. Aningaasanik kissaatigingisannik akiliisoqarsimasooq paasiniariarukku sapingisamik piaarnerpaamik aningaaserivimmuut saaffiginnissaatit.

## Oqarasuaat tamarpat imaluunniit tillinneqarpat:

Mobeltelefonit tamarpat imaluunniit tillinneqarpat **ingerlaannartumik** nalunaarutigissavat. Taamattaq taamaaliussaait oqarasuaatit peqquserluttumik allanit atorneqarsimasooq pasitsaakkukku.

Ingerlaannartumik GrønlandsBANKEN attaveqarfigissavat, atit taassavat, najukkat aamma cpr-normu kiisalu mobilivit normua, taamaalereerpat Swipp pillugu isumaqatigiissutit matuneqassaaq. Aammattaq Swipp pillugu isumaqatigiissutit Netbankinni matusinnaavat.

## Taaguummik atuineq:

Swipp pillugu isumaqatigiissusioruit Taaguummik ilisarnaatigerusutannik toqqaassaatit. Taaguutit tassaasinnaavoq ativiit, imaluunniit ateq alla atuisut allat aningaasanik nassinnaaraavingavitsit imaluunniit aningaasanik ilinnit nassitsinnaaraangamik ilisarnaatigerusutat. Taaguut suusinnaavorluunniit, imaanngilarli immikkuullarilluinnartut inissisimasooq (ima paasillugu, imaassinnaavoq Taaguummik toqqarsimasannik allat aamma taannarpiaq toqqarsimasinnaagaat).

Aningaasanik mobilnormumut nassiussigaangavit pissarsisussap Taaguutaa nuussinerpit/akiliutit akuerinnginnerani pissarsiarissavat. Taamaalillutit qularnaatsumik qulakkiissavat inummut/inuussutissarsiortumut eqqortumut nuussissallutit/akiliuteqassallutit.

Siunnersuut pitsaasooq tassaavoq Swipp atorlugu inunnut/inuussutissarsiortunut ilisarimasannut aningaasanik taamaallaat nuussisinnaagavit/akiliuteqarsinnaagavit, imaluunniit nalunaarutit pissarsiarisimasatit tunngavigalugit Taaguutit paasiuminartut aallaavigalugit.